

VESTLAND FYLKESKOMMUNE
Postboks 7900
5020 BERGEN

Att. Ingar Hals

**Tilbakemelding etter arkeologisk registrering - Fv. 564 Fløksand - Vikebø -
reguleringsplan - Alver kommune**

Vi viser til brev fra Statens vegvesen datert 20.08.19 om oppstart av reguleringsplan for prosjektet Fv. 564 Fløksand - Vikebø. Vi viser også seinare korrespondanse i saka angående gjennomføring av arkeologisk registrering i planområdet. Etter fylkessamanslåinga og overføringa av fylkesvegane til Vestland fylkeskommune, er det nå avdeling for infrastruktur veg som er forslagsstillar.

Resultat frå den arkeologiske registreringa

Den arkeologiske registreringa vart gjennomført i August 2020, og resulterte i funn av fem automatisk freda kulturminne. Det vart påvist tre automatisk freda lokalitetar med dyrkingsspor: ein frå mellomalder (Askeladden id. 272047), ein frå yngre romartid og merovingartid (Askeladden id. 272048) og ein frå førromersk jernalder (Askeladden id. 272049). Det vart påvist eit automatisk freda kulturminne frå eldre steinalder (Askeladden id. 272197) og ein heller med aktivitetsspor datert til mellomalder (Askeladden id. 272050).

Omsynssoner

Gjennom reguleringsplanen skal dei automatisk freda kulturminna sikrast vern for framtida ved hjelp av omsynssoner. Sjølv automatisk freda kulturminne, inkludert 5 meters sikringszone, skal markerast som omsynssone d, SOSI-kode H730, i plankartet, jf. plan og bygningslova § 11-8. For å sikre framtidig vern bør lokalitetane leggjast i ei større, samanhengande, omsynssone c, SOSI-kode H570, jf. plan og bygningslova § 11-8. Omsynssone c skal kombinerast med andre arealføremål som ikkje er i konflikt med vern, som til dømes LNF.

Føresegner som sikrar omsynet til automatisk freda kulturminne, som må inn i planen, er følgjande:

Omsynssone d(SOSI-kode H730)

«I omsynssone d er det automatisk freda kulturminne. Arealet er bandlagt etter kulturminnelova § 4, jf. § 6. Tiltak eller inngrep som kan øydeleggje, skade, dekke til eller på annan måte utilbørleg skjemme kulturminnet mellombels eller permanent er ikkje tillate, jf. kulturminnelova § 3. Tiltak som kan ha innverknad på automatisk freda kulturminne skal leggjast fram for Vestland fylkeskommune, jf. kulturminnelova §§ 3 og 8.»

Retningslinjer som sikrar at verneføremåla til kulturminnet og kulturmiljø vert ivareteke, er følgjande:

Omsynssone c (SOSI-kode H570)

«I omsynssone c ligg det automatisk freda kulturminne som er bandlagt etter kulturminnelova § 4, jf. § 6. Saker som gjeld tiltak i omsynssona skal sendast Vestland fylkeskommune for vurdering av kulturminneinteresser.»

Sluttkommentarar

Dersom arealføremål i planen er i konflikt med automatisk freda kulturminne kan kulturminnemynde i samband med vidare behandling av planen ta stilling til om dei kan gi løyve til inngrep i automatisk freda kulturminne som vert påverka av planen, jf. § 8.4 i kulturminnelova. Det er kulturminneforvaltinga i Vestland fylkeskommune som er rette mynde til å fatte vedtak i slike saker, jf. forskrift om fastsetting av mynde mv. etter kulturminnelova § 3.2.

Rapport frå registreringa og faktura for arbeidet vert ettersendt tiltakshavar.

Med helsing

Karoline Hareide Breivik
fagleiar

Sigrun Wølstad
Seniorrådgjevar

Brevet er elektronisk godkjent og har difor inga handskriven underskrift

Kopi til:
ALVER KOMMUNE Postboks 4